

NOSKI JATOR
PALEOLITIKOAN

Feminismoaren lehen urratsak



Nafar Kronika

Gontzal Agote

Mundua egunero amaitzen denean

CUANDO NIÑO YO SAQUÉ LA CUENTA DE mi edad por el año 2000, el 2000 sonaba como puerta abierta a naderías que silbaba el porvenir. Silvioren moduan, nik ere txikitik kontuak botatzen nituen, baina ez nuen zorioneko data horrek ekarriko ziguna imajinatzen asmatzen.

Petrolioren krisialdiaren eta punk mugimenduaren eztearen artean jaiotako gaztetxok hurrengo mendea (ordurako milurtekorik existitzen zenik ez genekien) espaziontzi eta Martitzerako bidaiekin lotzen genituen. Paisaia osatzeko, laser-izpiko armak ziren mirestuenak, eta estralurtarrak akabatzea gizaki zintzo oren eginbeharra.

Ailegatu da eta hemen gaude, erdibiluzik, mende berriari harrera egiteko erabat gogogabeturik. Espaziontzirik ez, dauden bakarrak zientzialari orojakitunek galtzen dituzte galaxien artean, eta kotxeetan hiltzen segitzen dugu.

Gainontzekoan ere, gauzak berdintsu. Etxeotako mahaiak behar baino beteago agertuko dira, eta gure presoek egunak daramate jateari muzin eginez. Dagoeneko ez bagara, txetxeniarrak izan gaitzke, eta bonbak gosaldutxo, bazkaldu eta afaldu. Baina loteria txartelez finantzatuko ditugu gure kontra erabiltzen dituzten armak.

Azken mende honetan inork ez dit inkestarik egin, horregatik nik egingo diot neuri buruari. Non igaroko duzu azken milurteko gaua? E, e? Tahitin ala Artikoan? (Bidaia merketxo, txo!). Ez, aurtzen ez dut bidaiatzeko gogorik, tradizionalagoa naiz.

Egun seinalatu horretarako hiru gramo perika, ron botila pare bat erosi eta bezperako soberakinak berotuko ditut, pelikula lizun bat ikusi eta seko atxurtuko naiz, eguneroko moduan. Munduaren amaieraren esperoan, goxogoxo... Gaur ez bada, bihar.

gure aukerak

OLENTZERO

- ▶ **Araitz:** Olentzero etxez etxe ibiliko da asto baten gainean. 10:00etan Ataiun hasiko da, Arriben bazkalduko du elkartearen eta arratsaldean Betelun izanen da.
- ▶ **Areso:** 18:30ak aldera Olentzero betiko bordatik jeitsiko da.
- ▶ **Aranguren:** Aranguren, Labio eta Mutiloa Beheitin izanen da 17:30etatik aurrera.
- ▶ **Atarrabia:** 18:15etan aterako da Arreko Trinitatetik eta bere ibilaldiaren bukaera Atarrabia pilotalekuan izanen da.
- ▶ **Barañain:** Kultur Etxetik aterako da Olentzero 18:00etan.
- ▶ **Baztan:** Elizondan 17:00etan abiatuko da ikastolatik.
- ▶ **Bera:** Haurrek eta helduek Olentzerori kantatuko dioten 17:00etan Altxateko plazan.
- ▶ **Berriozar:** Maestro Turrillas plazatik aterako da 18:00etan.
- ▶ **Etxauri:** Olentzero menditik jeitsiko da 19:00etan eta herriko kaleetatik abiatuko da. Ibilaldiaren bukaeran gaztainak eta sagardoa banatuko dute plazan.
- ▶ **Eugui:** Olentzero herrian barna paseatuko da 19:00etatik aurrera.
- ▶ **Gares:** 18:30etan Etxe Gorrietan hasiko da Olentzero zoriontasuna banatzen.
- ▶ **Iruñea:** Alde Zaharrean 18:30etan aterako da Iturralde eta Suit karrikatik eta honako ibilaldia egingen du: Amaia, San Fermin, Carlos III, Merinaldeen plaza, Carlos III, Gazteluko plaza, Sarasate, San Ignazio, Bergamin,

Erriberri, Iturralde eta Suit. 17:00etatik aurrera Arrotxapean ibiliko da Joxemiel Barandiaran kaletik Marcelo Zelaieta etorbideraino (Carbonilla ikastetxearen parean).
Donibanen 19:00etan aterako da auzo elkartetik.
▶ **Lizarrak:** Lizarrak ikastolatik aterako da Olentzero 17:30etan.
▶ **Oltzako zendea:** Oltzatik abiatuko da Olentzero 16:30etan eta zendeako herrietan zehar ibiliko da dantzariak eta txistulariak lagundurik Ororbia 19:00etan heldu arte.

- ▶ **Orkoien:** Eskola Zaharretik aterako da 19:00etan dantzari, txistulari eta hankapaloekin batera..
- ▶ **Uhartea:** Herriko plazatik abiatuko da 17:00etan.
- ▶ **Ultzama-Anue-Imotz-Basaburua:** Arraitz (18:00), Etxaleku (18:00), Jauntsarats (18:00), Olague (18:30) eta Iraizotz (18:30) herrietan ibiliko da Olentzero.
- ▶ **Zizur Nagusia:** Olentzerok bere ibilaldia Kontseilu Zaharrean hasiko du 17:00etan eta Pizinetara 19:00etan helduko da.

KONTZERTUAK

- ▶ **Berriozar:** Su Ta Gar, Kashbad, Joxe Ripiau eta Marea taldeek kontzertua eskeiniko dute bihar 21:00etatik aurrera pilotalekuan.

Eguberri bestak direla-eta, heldu den ostiralean ez da NAFARKARIARik izanen. 2000 urteko lehen NAFARKARIA urtarillaren 7an plazaratuko dugu. Zorionak eta urte berri on!

Non dago Inma?



Milurtekoa hasi edo bukatuko den zehazteke dagoen garaia hauetan, afaria da urte batek eman duena aztertzeke lekurik onena. Halaxe egin zuten iragan ostiralean NAFARKARIAko eta Euskalerrira Irratiko *Metropoli forala* saioko langile eta kolaboratzaileek, Nafarroako euskal kazetaritzaren (kulturaren?) *jet-set-a* beraz. Beno, politikoa bat ere sartu zen afarian, baina guti jaten zuela erran zuenez ez zioten erreparorik jarri. Eztabaida literario sakonetarako lekurik egon zer arno gorri eta osobuko zatien artean, baina, oro har, bertaraturikoen solasaldiak arrunt arinak izan ziren. Irudian, afarian izan ziren batzuk ageri dira. Baina non dago Inma? Erantzuten zaila den arrazoi bategatik emakume bakarra azaltzen da argazkian. Saia zaitez aurkitzen!